



**А**КАФИСТ

**СВЯТИТЕЛЮ И ЧУДОТВОРЦУ  
Николаю, архиепископу  
Мир Ликийских**



## Тропарь, глас 4

Правило веры и образ кротости,  
воздержания учителя / яви ты стаду  
твоему / Яже вещей Истина. / Сего  
ради стяжал еси смирением высокая,  
нищетою богатая, / отче священно-  
начальниче Николае, / моли Христа  
Бога, // спастися душам нашим.

## Кондак, глас 3

В Мирех, святе, священнодействи-  
тель показался еси, / Христово бо,  
преподобне, Евангелие исполнив, /  
положил еси душу твою о людех твоих /  
и спас еси неповинныя от смерти. /  
Сего ради освятился еси, // яко великий  
тайнник Божия благодати.



# Акафист Святителю и чудотворцу Николаю, архиепископу Мир Ликийских

## Кондак 1

Возбранный Чудотворче и изрядный  
угодниче Христов, миру всему источаяя  
многоценное милости миро и неис-  
черпаемое чудес море, восхваляю тя  
любовию, святителю Николае. Ты же,  
яко имеяй дерзновение ко Господу, от  
всяких мя бед свободи, да зову ти:

Радуйся, Николае, великий Чудо-  
творче.

## Икос 1

Ангела образом, земнаго суща есте-  
ством яви тебе всея твари Создатель;



**благоплодную бо доброту души твоея  
провидев, преблаженне Николае, научи  
всех вопити тебе сие:**

**Радуйся, от утробы матерния очи-  
щенный; радуйся, даже до конца  
освященный.**

**Радуйся, рождением своим роди-  
телей удививый; радуйся, силу  
душевную абие по рождестве  
явивый.**

**Радуйся, саде земли обетования;  
радуйся, цвете Божественнаго  
саждения.**

**Радуйся, лозо добродетельная вино-  
града Христова; радуйся, древо чудо-  
точное рая Иисусова.**

**Радуйся, крине райскаго прозябения;  
радуйся, миро Христова благоу-  
хания.**

**Радуйся, яко тобою отгонится**



**рыда́ние; ра́дуйся, я́ко тобо́ю прино́-  
сится ра́дование.**

**Ра́дуйся, Нико́лае, вели́кий Чудо-  
тво́рче.**

## **Кондак 2**

**Ви́дяще твои́х мир излия́ние,  
богомúдре, просвещáемся душа́ми  
и телесы́, дивнаго тя миротóчца живо-  
но́сна, Ни́колае, разумéюще; чудесы́ бо  
я́ко вода́ми, благода́тию Бо́жиею изли-  
ва́ющимися, напая́ши ве́рно вопи-  
ю́щих Бо́гу: Аллилу́иа.**

## **Икос 2**

**Ра́зум неуразумéнный вразумля́  
о Святе́й Тро́ице, был еси́ в Нике́и со  
святы́ми отцы́ побóрник испове́дания  
правосла́вныя ве́ры. Ра́вна бо Отцу́  
Сы́на испове́дал еси́, соприсносу́щна  
и сопресто́льна, А́риа же безúмнаго**



**обличил еси. Сего ради вернии научи-  
шася воспевати тебе:**

**Радуйся, великий благочестия  
столпе; радуйся, верных прибежища  
граде.**

**Радуйся, твердое Православия укреп-  
ление; радуйся, честное Пресвятыя  
Троицы носило и похваление.**

**Радуйся, Отцу равночестна Сына  
проповедавый; радуйся, Ариа  
возбесившагося от Собора святых  
отгнавый.**

**Радуйся, отче, отец славная  
красота; радуйся, всех богомудрых  
премудрая доброта.**

**Радуйся, огненная словеса испу-  
щаая; радуйся, добре стадо свое  
наставляая.**

**Радуйся, яко тобою вера утвер-  
ждается; радуйся, яко тобою ересь  
низлагается.**



**Ра́дуйся, Никóлае, вели́кий Чудо-  
тво́рче.**

### **Кондак 3**

**Си́лою, да́нною ти свѣ́ше, слезу́  
вся́ку отъя́л еси́ от лица́ лю́те стра-  
жду́щих, богонóсне óтче Никóлае —  
а́лчущим бо яви́лся еси́ корми́тель,  
в пучи́не морсте́й сущим изрядный  
прави́тель, недúгующим исцелéние  
и всем всяк помóщник показáлся еси́,  
вопию́щим Бóгу: Аллилу́иа.**

### **Икос 3**

**Име́яше вои́стинну, óтче Никóлае,  
с Небесé песнь тебе́ воспевáема б́йти,  
а не от земли́; ка́ко бо кто от челове́к  
возмо́жет твоя́ свѣты́ни вели́чия  
проповéдати? Но мы, любóвию твоéю  
побежда́еми, вопи́ем ти си́це:**

**Ра́дуйся, óбразе а́гнцев и па́стырей;**



**ра́дуйся, свято́е очисти́лище нра́вов.**

**Ра́дуйся, добродéтелей вели́ких  
вмести́лище; ра́дуйся, святы́ни  
чи́стое и честно́е жили́ще.**

**Ра́дуйся, свети́льниче всесвѣтлый  
и вселюби́мый; ра́дуйся, свѣте  
златоза́рный и непоро́чный.**

**Ра́дуйся, досто́йный А́нгелов собе-  
се́днице; ра́дуйся, до́брый челове́ков  
наста́вниче.**

**Ра́дуйся, пра́вило вѣры благоче-  
сти́выя; ра́дуйся, о́бразе крото́сти  
духо́вныя.**

**Ра́дуйся, я́ко тобо́ю от страсте́й  
телесных избавля́емся; ра́дуйся, я́ко  
тобо́ю сла́достей духо́вных испол-  
ня́емся.**

**Ра́дуйся, Нико́лае, вели́кий Чудо-  
тво́рче.**





## Кондак 4

Бўря недоумѣния смущает ми ум,  
како достойно есть пѣти чудеса твоя,  
блаженне Никóлае; никто́же бо мо́жет  
я исчести́, аще бы и мно́ги язýки имѣл  
и глаго́лати восхотѣл; но мы дѣивно Бóгу,  
в тебѣ прославляющемуся дерзаем  
воспѣвати: Аллилу́иа.

## Икос 4

Слы́шаша, богомудре Никóлае,  
блѣжнии и дальнии вели́чие чудес  
твои́х, я́ко по возду́ху лёгкими благо-  
да́тными крила́ми навѣкл еси́ сýщих  
в беда́х предвари́ти, ско́ро от тех избав-  
ля́я всех, вопиющих к тебѣ такова́я:

Ра́дуйся, избавлѣние от печáли;  
ра́дуйся, пода́ние благода́ти.

Ра́дуйся, неча́емых зол прогонѣ-  
телю; ра́дуйся, жела́емых благѣх  
наса́дителю.



**Ра́дуйся, ско́рый утёшителю в бедё  
сúщих; ра́дуйся, стра́шный наказá-  
телю обíдящих.**

**Ра́дуйся, чудёс пучи́но, Бо́гом изли-  
я́нная; ра́дуйся, зако́на Христо́ва  
скрижа́ли, Богом пи́санныя.**

**Ра́дуйся, крёпкое па́дающих возве-  
дэние; ра́дуйся, пра́во стоя́щих  
утверждэние.**

**Ра́дуйся, я́ко тобо́ю всяка́я лесть  
обнажа́ется; ра́дуйся, я́ко тобо́ю  
всяка́я йстина сбывáется.**

**Ра́дуйся, Никóлае, вели́кий Чудо-  
тво́рче.**

## **Кондак 5**

**Боготéчная звезда́ яви́лся еси́,  
наставля́я по мо́рю пла́вающих люте́,  
ймже смерть предстоя́ше вско́ре  
иногда́, аще не бы ты предста́л еси́**



призывающим ты в помощь, Чудотворче святый Николае; уже бо нестыдно бесом летающим и погрузити корабльи хотящим запретив, отгнал еси их, верныя же научил еси спасающему тобою Богу взывать: Аллилуиа.

## Икос 5

Видеша отроковицы, на брак скверный нищеты ради уготованныя, великое твое к нищим милосердие, преблаженне отче Николае, егда старцу родителю их нощию узельцы три злата таяся подал еси, самого со дщерьми избавляя от падения греховнаго. Того ради слышиши от всех сиче:

Радуйся, милости превеликия сокровище; радуйся, промысления о людех приятелище.

Радуйся, пище и отрадо к тебе прибегающих; радуйся, хлебе несне-



**даемый алчущих.**

**Рáдуйся, богáтство, бéдне живúщим  
на землѣ Бóгом дáнное; рáдуйся,  
воздвѣжение скóрое убóгих.**

**Рáдуйся, бы́строе нѣщих услы́шание;  
рáдуйся, скорбя́щих прѣятное попе-  
чéние.**

**Рáдуйся, три́ех дев непорóчный  
блюстѣтелю; рáдуйся, чистоты́  
усéрдный хранѣтелю.**

**Рáдуйся, ненаде́жных наде́яние;  
рáдуйся, всегó мѣра наслаждéние.**

**Рáдуйся, Никóлае, вели́кий Чудо-  
твóрче.**

## **Кондак 6**

**Проповéдует мир весь тебé, пребла-  
жéнне Никóлае, скóраго в бедáх заступ-  
ника, я́ко мно́гажды во едѣнном часé  
по землѣ путешéствующим и по мóрю**



плавающим, предваряя, пособствуеши, купно всех от злых сохраняя, вопиющих к Богу: Аллилуиа.

## Икос 6

Воссиял еси свет животный, избавление нося воеводам, неправедную смерть прияти имущим, тебе, добрый пастырю Николае, призывающим, егда вскоре явлься во сне цареву, устрашил еси его, сих же невреденных отпустить повелел еси. Сего ради с ними купно и мы благодарственно вопием ти:

Радуйся, усердно призывающим тя помогай; радуйся, от неправедного убиения избавляй.

Радуйся, от лестных сохраняй клеветы; радуйся, неправедныя разрушая советы.

Радуйся, растерзая лжу яко



паучіну; раду́йся, возноша́яй сла́вно  
и́стину.

Ра́дуйся, непові́нних от уз разре-  
ше́ние; раду́йся, и мертвецёв ожив-  
ле́ние.

Ра́дуйся, прояві́телю пра́вды;  
ра́дуйся, помрачі́телю неправды.

Ра́дуйся, я́ко тобо́ю непові́ннии  
изба́влени от мечá; раду́йся, я́ко  
тобо́ю наслади́шася све́та.

Ра́дуйся, Никóлае, вели́кий Чудо-  
тво́рче.

## Кондак 7

Хотя́́ богоху́льное ереті́ческое  
отгна́ти злосмра́дие, мі́ро вои́стинну  
благово́нное, та́инственное яви́лся еси́,  
Никóлае; лю́ди мирéйскія упáсл еси́  
и весь мир сво́им благодáтным мі́ром  
испо́лнил еси́. И от нас у́бо богоме́рзкое



грехóвное злосмра́дие отже́ни, да  
благоприя́тно Бо́гу вопи́ем: Аллилу́иа.

## Икос 7

Но́ваго тя Но́я, наста́вника ковче́га  
спаси́тельнаго разумее́м, о́тче святы́й  
Нико́лае, бу́рю всех лю́тых разгоня́ю-  
щаго направле́нием сво́им, тишинú  
же Божество́нную принося́щаго вопи́-  
ющим такова́я:

Ра́дуйся, обурева́емых т́хое  
приста́нище; ра́дуйся, утопа́ющих  
извѣ́стное храни́лище.

Ра́дуйся, пла́вающих посреде́ пучи́н  
до́брый ко́рмчий; ра́дуйся, тревол-  
не́ния морска́я уставля́ющий.

Ра́дуйся, превожде́ние сýщих  
в в́ихрех; ра́дуйся, согрѣ́яние сýщих  
во мра́зех.

Ра́дуйся, сия́ние, ско́рбный мрак



**разгоняющее; радуйся, светило, вся  
концы земли просвещающее.**

**Радуйся, от бездны греховныя чело-  
веки избавляй; радуйся, в бездну  
адскую сатану ввергай.**

**Радуйся, яко тобою дерзновенно  
бездну милосердия Божия призы-  
ваем; радуйся, яко тобою от потопа  
гнева избавльшеся, мир с Богом  
обреаем.**

**Радуйся, Николае, великий Чудо-  
творче.**

## **Кондак 8**

**Странное чудо является прите-  
кающим к тебе, блаженне Николае,  
священная твоя церковь: в ней бо  
и малое моление приносяще, велиих  
недугов приемлем исцеление, аще  
только по Бозе упование на тя возло-  
жим, верно вопиюще: Аллилуиа.**





## Икос 8

Весь еси́ всем воистину́ помóщник, бо́гоносе Никóлае, и собрал еси́ вкупе вся прибега́ющия к тебé, я́ко свобо́дитель, пита́тель и врач ско́рый всем земны́м, на похвалу́ всех подвижа́я вопи́ти к тебé си́це:

Ра́дуйся, вся́ких исцелéний исто́ч-  
ниче; ра́дуйся, лю́те стра́ждущим  
помóщниче.

Ра́дуйся, зарé, сия́ющая в но́щи  
грехóвней блужда́ющим; ра́дуйся,  
росó небото́чная в зно́и трудо́в  
сúщим.

Ра́дуйся, подава́яй трéбующим  
благостроéние; ра́дуйся, уготовля́яй  
прося́щим изобилие.

Ра́дуйся, мно́гажды проше́ние пред-  
варя́яй; ра́дуйся, ста́рым седи́нам  
си́лу обновля́яй.



**Ра́дуйся, мно́гих заблۇждших  
от пу́ти́ и́стиннаго обли́чителю;  
ра́дуйся, та́ин Бо́жих ве́рный  
служи́телю.**

**Ра́дуйся, я́ко тобо́ю за́висть попи-  
ра́ем; ра́дуйся, я́ко тобо́ю благо-  
на́вное жити́е исправля́ем.**

**Ра́дуйся, Нико́лае, вели́кий Чудо-  
тво́рче.**

## **Кондак 9**

**Вся́кия утоли́ болéзни, вели́кий наш  
засту́пниче Нико́лае, растворя́ благо-  
да́тная врачевáния, услажда́ющая  
ду́ши на́ша, сердца́ же веселя́щая всех  
усе́рдно к по́мощи твоёй притека́ющих,  
Бо́гу же вопию́щих: Аллилу́иа.**

## **Икос 9**

**Вети́я суемۇдренныя нечестíвых  
вíдим тобо́ю посра́мленныя, бого-**



**мúдре óтче Никóлае. Áриа бо хúльника,  
разделяюща Божество, и Савéллиа,  
смешáюща Святúю Трóицу, препрёл,  
нас же во Правослáвии укрепíл еси.  
Сегó рáди вопиём ти сýце:**

**Рáдуйся, щíte, защищáяй благочé-  
стие; рáдуйся, мечú, посека́яй злочé-  
стие.**

**Рáдуйся, учíteлю Божéственных  
велéний; рáдуйся, губíteлю бого-  
протívных учéний.**

**Рáдуйся, лéстнице, Бóгом утверж-  
дénная, ёюже восхóдим к Небесí;  
рáдуйся, покрóве, Бóгом здáнный,  
ймже покрывáются мнóзи.**

**Рáдуйся, немúдых умудрívый  
тво́ими словесý; рáдуйся, лени́вых  
подвígнувый тво́ими нра́вы.**

**Рáдуйся, свéтлосте за́поведей  
Бóжих неугасíмая; рáдуйся, лучé**



оправданий Господних пресвѣтлая.

Рáдуйся, я́ко учéнием твои́м сокруша́ются ерети́ческия главы́; ра́дуйся, я́ко тобою́ ве́рнии сподобля́ются сла́вы.

Рáдуйся, Нико́лае, вели́кий Чудо-творче.

## Кондак 10

Спасти́ хотя́ дýшу, плоть твою́ дýхови покорил еси́ воистинну, óтче наш Нико́лае. Молча́ньми бо пре́жде и борéньми с по́мысли, дея́нию богомы́слие приложил еси́, богомы́слием же ра́зум соверше́н стяжа́л еси́, имже дерзнове́нно с Бо́гом и А́нгелы бесе́довал еси́, все́гда вопия́: Аллилу́иа.

## Икос 10

Стена́ еси́ похваля́ющим, преблаже́нне, чудеса́ твоя́ и всем к засту-



**плéнию твоёмú прибегáющим; тёмже и нас, в добродéтели убóгих, от нищеты́, напа́сти, недúгов и нужд разлй́чных свободáй, вопиющйх ти с любóвию таковáя:**

**Рáдуйся, от убóжества вéчнаго изымáяй; рáдуйся, богáтство нетлénное подавáяй.**

**Рáдуйся, бра́шно негй́блющее áлчущим прáвды; рáдуйся, питиé неисчерпа́емое жа́ждущим жй́зни.**

**Рáдуйся, от мятéжа и бра́ни соблюда́яй; рáдуйся, от úз и пленéния свободáяй.**

**Рáдуйся, преслáвный в бедáх заступниче; рáдуйся, превелй́кий в напа́stech зашй́тнице.**

**Рáдуйся, мнóгих от погй́бели исхй́тывый; рáдуйся, безчй́сленных невреждéнно сохрани́вый.**



**Ра́дуйся, я́ко тобо́ю лю́тыя сме́рти  
gréшнии избега́ют; ра́дуйся, я́ко  
тобо́ю жи́знь вéчную ка́ющиися  
получа́ют.**

**Ра́дуйся, Ни́ко́лае, вели́кий Чудо-  
тво́рче.**

## **Кондак 11**

**Пе́ние Пресвяте́й Тро́ице па́че ины́х  
прине́сл еси́, преблаже́нне Ни́ко́лае,  
умо́м, сло́вом и де́лом. Мнóгим бо испы-  
та́нием правове́рная повеле́ния уясни́л  
еси́, ве́рою, на́деждою и любóвию  
наставля́я нас в Тро́ице Еди́ному Бо́гу  
воспева́ти: Аллилу́иа.**

## **Икос 11**

**Светоза́рную лучу́ во мра́це жития́  
су́щим неугаси́мую ви́дим тя, Бо́гом  
избра́нне о́тче Ни́ко́лае. С невеще́-  
ственными бо а́нгельскими све́ты**



**бесѣдуеши о несозданном Трѳическом  
свѣте, вѣрных же дѹши просвещаети,  
вопиющих ти таковая:**

**Радуйся, озарѣние Трисолнечнаго  
свѣта; радуйся, деннице незаходимаго  
солнца.**

**Радуйся, свещѣ, Божественным  
пламенем возжѣнная; радуйся, яко  
угасил еси бесовский пламень нечестия.**

**Радуйся, свѣтлое правовѣрия проповѣдание;  
радуйся, доброзрачное свѣта евангельскаго  
сияние.**

**Радуйся, мѳлние, ереси пожигающая;  
радуйся, грѳме, устрашающий  
соблазняющий.**

**Радуйся, истиннаго начителю  
разума; радуйся, таинственнаго  
изъявителю ума.**

**Радуйся, яко тобою попрася поклонѣние  
твари; радуйся, яко тобою**



науч́хомся поклоня́тисѧ Творцѹ  
в Трѳице.

Ра́дуйся, Никѳлае, вели́кий Чудо-  
творче.

## Кондак 12

Благода́ть, да́нную ти от Бо́га, све́-  
дущи, ра́дующеся твою́ па́мь  
пра́зднуем по до́лгу, пресла́вный  
ѳтче Никѳлае, и к чу́дному засту-  
плѣнию твоemú вседу́шно притека́ем;  
пресла́вных же твои́х дея́ний, я́ко  
песка́ морска́го и мно́жества зве́зд-  
наго исчести́ не могу́ще, недоумѣнием  
объя́ти бѳвшее, вопи́ем к Бо́гу: Алли-  
лу́иа.

## Икос 12

Пою́ще твоя́ чудеса́, восхваля́ем  
тя, всехва́льне Никѳлае: в тебѣ бо Бог,  
в Трѳице прославля́емый, дѳвно





просла́вился. Но аще и попремно́гу  
соста́вленные от ду́ш псалмы́ и пёсн  
принóсим ти, Чудотвóрче святый,  
ничто́же творимъ́ равно дарованию  
чудёс твои́х, ѿмже удивля́ющесе,  
вопи́ем к тебё таковáя:

Рáдуйся, Царя́́ цáрствующих  
и Гóспода гóсподствующих служи́-  
телю; рáдуйся, служи́телей Егó  
небёсных сожителю.

Рáдуйся, людемъ́ вёрнымъ́ поможёние;  
рáдуйся, рóда христиáнскаго възвы-  
шёние.

Рáдуйся, побёды тезоименитый;  
рáдуйся, венценóсче нарóчитый.

Рáдуйся, всех добродётелей зерцáло;  
рáдуйся, всех притека́ющих к тебё  
крёпкое забрáло.

Рáдуйся, по Бóзе и Богорóдице  
все нáше уповáние; рáдуйся, телёс  
нáших здравие и душ спасёние.



**Ра́дуйся, я́ко тобо́ю от вѣчныя смѣрти свобожда́емса; ра́дуйся, я́ко тобо́ю безконѣчныя ж́изни сподо́бля́емса.**

**Ра́дуйся, Никóлае, вели́кий Чудо-твóрче.**

### **Кондак 13**

**О пресвяты́й и пречúдный óтче Никóлае, утешѣние всех скорбя́щих, ны́нешнее на́ше прим́и приноше́ние и от ге́енны изба́витися нам Го́спода умоли́ богоприятным тво́им ходата́йством, да с тобо́ю воспева́ем: Аллилу́иа.**

*Этот кондак читается трижды.*

### **Икос 1**

**А́нгела о́бразом, земна́го сýща есте-ствóм яви́ тебе́ всея́ твáри Созда́тель; благоплóдную бо добрóту души́ твоя́ пров́идев, преблаже́нне Никóлае, научи́**



**всех вопіти тебѣ сіце:**

**Рáдуйся, от утрóбы мáтернiя  
очищѣнный; рáдуйся, дáже до концá  
освящѣнный.**

**Рáдуйся, рождѣнием своим родi-  
телей удивiвый; рáдуйся, сілу  
душѣвную áбие по рождествѣ  
явiвый.**

**Рáдуйся, сáде землі обетовáния;  
рáдуйся, цвѣте Божѣственнаго  
саждѣния.**

**Рáдуйся, лозó добродѣтельная вино-  
грáда Христóва; рáдуйся, дрéво чудо-  
тóчное рая Иисúсова.**

**Рáдуйся, крiне рáйскаго прозябѣния;  
рáдуйся, міро Христóва благоу-  
хáния.**

**Рáдуйся, я́ко тобóю отгóнится  
рыдáние; рáдуйся, я́ко тобóю принó-  
сится рáдование.**



**Ра́дуйся, Никóлае, вели́кий Чудо-  
тво́рче.**

## **Кондак 1**

**Возбра́нный Чудотво́рче и изрядный  
уго́днице Христóв, ми́ру все́му источа́яй  
многоце́нное ми́лости ми́ро и неис-  
черпа́емое чудес мо́ре, восхваляю́ тя  
любо́вию, святите́лю Никóлае. Ты же,  
я́ко имéяй дерзнове́ние ко Го́споду, от  
вся́ких мя бед свободи́, да зову́ ти:**

**Ра́дуйся, Никóлае, вели́кий Чудо-  
тво́рче.**

## **Молитва**

**О всесвяты́й Никóлае, уго́днице  
преизрядный Госпо́день, тёплый наш  
засту́пнице, и вездé в ско́рбех ско́рый  
помо́щнице! Помози́ ми (имя), грéш-  
ному и уны́лому, в настоя́щем сем  
жити́и, умоли́ Го́спода Бо́га дарова́ти**



ми оставлѣние всехъ моихъ греховъ, елико согрѣшихъ отъ юности моея, во всемъ житиѣ моѣмъ, дѣломъ, слѣвомъ, помышлѣниемъ и всѣми моими чувствы; и во исходѣ души моея помози ми, окаянному, умоли Господа Бога, всея твари Содѣтеля, избавити мя воздушныхъ мытарствъ и вѣчнаго мучѣния, да всегда прославляю Отца и Сына и Святаго Духа и твоѣ милостивное предстательство, ныне и присно и во веки вековъ. Аминь.

## Величание

Величаемъ тя, / святителю отче Николае, / и чтимъ святую память твою: //  
ты бо молиши за насъ Христа Бога  
нашего.